

林榕江先生集卷第三

不肖男世璧編梓

樂府雜調五十一首

朱鷺

紀巳卯西江之戰

朱鷺舉臨江游掣龍旂震鼉鼓揚洪名耀神
武豫章平生縛虎天下安寧敢余侮

君馬黃

君馬黃臣馬白二馬同行君馬疾曉日上瞳
瞳照見楊柳陌揚鞭綠草間並響黃金勒意

氣各相許含訴肝腸結詎知中道乖反覆波
瀾絕君適燕臣適越千里去須臾萬里望顏
色安得君迴旋拂拭共欣悅

白紵歌

華鏐挂壁澄雲光皎皎明月低帷堂繁星四
五銀河傍含徵弄羽夜未央纖纖素手白紵
裳為君起舞雙鸞翔嬌顰半咲流蘇香千秋
萬載母相忘

將進酒

龍燭龍燭萬古常明寒暑相迫晝夜弗停爾
無翼飛何疾爾無足行何速終看海上來又
向山頭沒枯楊無枝比卮纍纍煎熬萬物惟
爾之為我欲借取萬丈梯手搏一丸膠如泥
昇天膠住爾使爾不得東西馳又欲向爾安
四角使爾不得圓轉而犇突嗟嗟龍燭爾雖
善行吾亦有計安能行歎復坐愁但教酩酊
花前醉春花滿園紅蕪蕪吳姬厭酒酒初熟
銀床倒瀉琥珀濃金盃盛來瑪瑙綠任爾昇

東復墜西頽然一醉吾何知君不見姑蘇臺
上麋鹿人屬鏤枉賜忠良臣江海潮聲夜夜
至盡是忠臣不平氣又不見漢廷少年治安
策滿朝卿相無顏色一言遽作長沙行墮馬
何辜淚沾臆世間萬事只如此富貴功名果
何益將進酒聽我歌從教玉山倒一任朱顏
酖宇宙存吾身天地如吾何但為知者道毋
嫌醒者訶將進酒聽我歌

董逃行

董逃董逃竟難逃郿塢一炬焚臍膏焚臍膏
三日滅可惜青青千里草化作門前一泓血
烏鳶不啄溝中殘黃金如山贖不得董逃董
逃竟難逃天網恢恢聽卑處高不信但看古
來權佞徒何人得免醢與菹君不見後來緋
衣小兒顛且狂覆轍相尋大市傍前有卯金
子後有錢與江

王子喬

王子喬下來遊乘白鶴駕蒼虬雙雙玉女吹

鸞笙霞袂揚揚凌紫清俯視海水猶盃罌王
子喬雲中遨遇我泰山巔示我藥一杵白如
霜雪赤如丹云服此藥延年千萬我跪陳辭
我 主聖明但願揖堯舜接夔龍日月正泰
階平耕田鑿井童叟熙寧何用後三光而凋
乃始為長生王子喬大咲向予言遙指三珠
樹肅肅生雲烟 皇帝陛下壽萬年

梁甫吟

君不見諸葛公昔年隱隆中南陽一草廬
臺摩蒼穹碧梧老鳳滄海卧龍有時步出齊
門東朗吟梁甫來天風抱膝嗤晏相二桃殺
士輕如鴻吁嗟兮嬰也伯之亞雄名猶在夷
吾下感時會合馳騁餘懸河論議徒悲咤孔
明乃是王佐臣胡為獨取梁甫吟想見雲雷
滿胸臆奮飛且止甘沉淪嬰乎顯君爾何人
一朝三顧蓬茨底麻鞋長揖見天子片言已
定鼎足謀跨梁取益嗟炎起孫權只可輔車
依操賊揮戈須痛洗先主聞之仰天咲君臣

一旦如魚水左髯右飛兩處臣四海平康傳
漢壘嗚呼永安付託大事時子若不才君取
之王者之心本如此後儒淺臆生瑕疵手持
白羽扇身披鶴氅衣指揮三軍如熊羆渭南
耕牧敵不知烽火照銅爵壺漿迎王師巾幗
羞殺司馬兒眼中久已無曹丕雲中星落奈
若何至今八陣留江涯惜哉失馬謖此言謖不宜殺
蜀之人材伐鼓空楊儀蜀有儀耳事不頓令
幾何惜哉梁甫聲千載涕咨泐我歌梁甫瓊河堂山高

月小烟茫茫彷彿如侍公之旁悲吟擊碎珊瑚樹
激烈慘澹摧衷腸

夜坐吟

夏夜獨坐夜未央鳴蛩切切低復揚皎皎明月
窺我堂悵然遠憶思江湘江水入海深相
水浮天碧染成竹上斑剖出心間血青苔蔓
我井枯藤絡我石石絡心不轉井蔓泉不斷
與君相決絕井水上天石頭爛

猛虎行

南山有猛虎白額呼風震下土身長逾丈雙
眸夜光旦落坑塹搖尾摧傷胡為上平地咆
哮不可當爾居本在深山誰遣爾來市遊西
家食蕪東家攫牛貪饕不足人為羞道逢騶
虞來雍容肆高步性不踐生草行行重回顧
安知虎在傍憑陵向之怒騶虞命在天豈為
爾虫懼西方一勇夫彷彿古馮婦手執丈八
矛瞋目刺虎軀頃刻虎就斃流血滿溝渠騶
虞乃徐去群獸鳴鳴爾肉糜鼎饒爾皮藉
坐隅善惡報乃爾皇穹良不渝

幽澗泉

拂拭金徽調吾織指明月入懷流泉在耳一
弄羽商弄弄角徵絃絕不鳴黯然而起忽颺
颺兮吹萬松竹蕭蕭兮聲鳴空俄正襟而轉
軫鼓重華之南風甘露灑予靈鵲下白鹿遊
兮嘉穀豐我鑿我井兮海畔我耕我田子山
中不奏相如之綠綺不奏師涓之號鍾但願
南風音無窮幽澗泉聲琮琤

箜篌謠

吳趨且莫歌楚歛且莫宣四座試靜聽聽我
箜篌言一彈箜篌山為動再彈箜篌水為湧
惟有人心深復深痴人之前難說夢古來朋
友如骨肉今人朋友如土木古來天倫如珠
玉今人天倫如塗路土木未足傷化為豺與
狼塗路未足憐變作戈與鋌生時猶可言死
後便相捐嗚呼狂瀾既倒何人扶世間應有
大丈夫君不見樹中桃荆庭花芳名千載徒
咨嗟

長相思

長相思在何處去年八月豫章城今年八月
襄陽路昨朝翠鳥來飛上櫻桃樹口啣尺素
書內有數行字上言長相思下言苦相憶肝
腸日日車輪轉爭奈故鄉不得至書尾細字
半明滅只道歸來路阻絕含悽掩涕回蘭房
更向簾前拜新月

關山月

月出青海灣照耀白羊關
白羊關下吹胡笳
何人見月不思家
黃毛愛子圍我堡
城上健兒插大鼓
將軍騎馬出門看
彎弓射胡胡
走胡來秋草肥
胡去秋草衰
清光浸鐵衣
齊唱凱歌歸

白頭吟

金樓昔是如花人
千結流蘇錦帳深
芙蓉並照清池影
孔雀齊飛滄海心
那知氣數有乖錯
緋桃無色蘭無馨
黃鵠孤棲誰與鄰
長門掩涕猶含恩
楊花紛紛雨中落
燕子樓頭春寂寞
妾意真如白玉堅
卽情豈比秋雲薄
自是瑤琴音調希
任教紈扇炎涼奪
古來恩怨反覆手
不信但看天上月
陰晴圓缺本無心
嫦娥千載何清絕
淒淒今作白頭吟
風吹解我愁腸結

秋夜長

寒風起天末
浮雲薄太清
搔首仰空長歎息
梧葉蘋花千古情
琳館瓊樓動絲竹
白磧黃

沙多野哭良人遠，戍邊塞長剪衣欲寄心悲涼。
將軍何日驅胡虜，紇干山下應斷腸。

上之回

上之回南園丘，北方澤東墳。朝日西郊夕月明，
明駿儀赫赫墳則於皇。昭聖孤卿鴻烈霓旌游游，
虹旗揭揭何須通。回中臣服月支國，萬歲千年永欣悅。

烏生八九子

烏生八九子，乃在城南桂樹頭。老烏養雛朝暮聲，
不休羽翼長大八九子。飛且留東村啄肉，西田啄粟啣歸巢。
巢反哺兩老烏，十月風雨飄搖雛來傍。徨整巢養兩老烏，
歲月遙拮据身忘勞。天帝知之呼老烏，日輪長棲旌爾雛。
嗚呼人生，生父母不肯養。父母徒爾生，其身請君誦我烏生。
八九子安可，其心不如禽。

鞠歌行

連城壁石中璞，和氏獻之遭重刑。泝泝手不龜藥，齊人買之封侯樂。
幽蘭花秀空谷慎，勿

當門逢斫斲乘剗風翔寥廓世間獨有青田
鶴

全懿堂樂府

有叙

炫讀陳母都太夫人全懿集詩作而
歎曰嗟懿哉此烈丈夫之行也太夫
人能全之可不謂難乎風世立教爰
綴樂府十章章有題事載集中夫被
之音律傳之天下豈獨閨中人感而
興起將見忠臣孝子聞之必憮然自

失而泫然泣下也嗚呼

瘍中蛆

嗟傷哉駮駮馳爾追風胡蹶而父蹶足瘍罔
鑿蛆不仁肉中滋孝女恫漱齧之虫之味甘
如飴非誠孝何能為

兩卦股

我生兩股原自我母我母既疾我股何惜揮
刀為麋奉母朝食年始十三嗟難及後事君
子移所天結縞二載貞疾延再割左臂進君

前有身豈不痛節孝義當捐烈哉丈夫行兒
稱閨中賢

夫服賈

良人于邁服賈遐方婦入厨下日調羹湯上
堂奉姑染指先嘗姑忽遘疾悲思徬徨自脫
簪珥棺衾以藏豈無叔伯獨力皇皇既孝且
義女中敬姜

柘舟誓

狐凰失其雄永夜寒巖棲霜霰集復盈冰雪
厲以淒嘯响巢中雛毛羽何巖巖食以瓊花
藥飛上梧桐枝前有伯趙鳴後有訓狐啼秉
誠衛金石哀呼叩帝嗥真宰顧而笑令鶴下
致辭錫祉申性靈授誦柘舟詩朝夕誦百遍
兩髦實我儀

夜辟縑

寒燈微兮天雨霜然松明兮照空房兒讀書
子母辟縑機軋軋兮聲琅琅宵一匹子密如
髮剪刀冷兮光相射充束脯兮需爾成嗟白

葶子千金價兒欲睡兮挈徐徐冬移案于日
臨除懷雙足兮暖兒軀啜爾泣兮嚴師模

井有泉

井滌虛堂下中有清冷泉同舍婦晨汲出入
相周旋或言妨賓行輦土寒其淵母云汝自
可婦外非所便井水如我心皎潔上載天勿
妄投一塵人已皆安然

比隣樹

樹何青青在比隣當吾門堪與之人時反唇
風水非宜盍斧其根西家老翁來運斤母氏
忽聞噉而嗔登科躋仕學以文樹也安能為
爾也君不見陳子奏名省即拜柯葉如雲樹
益大

官河舟

夕戒故里裝晨趨 北闕曉河水何洋洋征
帆疾於鳥官舫大如車何以寧親老孝子心
不怡頗善鄰舟好母云此瑣瑣奚必縈懷抱
汝不識真詮應未聞大道詎為水火嬰常守

水葉操內重外自輕富貴浮雲掃

詔旌門

貞母鶴髮垂鳶肩霜帷水館三十年回思時
稱未亡者十七終過十九前良人既去徒四
壁孤兒在抱寄一綫指雲誓日死齒衛食茶
茹苦心尤堅郡牧過門每憑軾尺卦馳奏九
重天 帝錫玉音表綽楔龍光下燭輝玄泉
清風四海鐵壁峻彤管千秋石室編

全懿堂

惟女孝兮惟婦節兮惟母慈兮惟行揭兮
玉音馳兮表厥宅兮於萬斯年昭日月兮惟
堂何所安吉之孺何以有堂惟懿之全樹之
風聲有竹有檀有松巖巖有栢丸丸曰懿曷
全受命于天人弗自性見物則遷母也純一
以成子賢颯颯雅音繼栢舟篇

採蓮曲 二首

採蓮莫採花採蓮採蓮葉蓮葉堪為衣蓮花

易開謝

採蓮採蓮子採蓮莫採藕藕心無長絲蓮子
心獨苦

王昭君二首

紫塞連山斷黃雲宿草長天寒羅袖薄猶帶
漢宮香

王貌親胡虜含悲出漢廷空餘一片草千古
向人青

子夜歌八首

即欲襄陽去挽衣不得住江上水流聲是妾

斷腸處

君戍黃龍去攀鞍泪如霰不願生封侯但願
歸相見

焚香拜新月情微向誰訴四顧寂無言月照
梧桐樹

君心比明月妾比松栢枝明月自來去松枝
定不移

歲律倏又盡容顏為誰好王孫歸不歸目斷
天涯草

雨點濺濺鳴雲影垂垂落安得萬里身化為
雙翼鶴

寒夜不能寐攬衣起傍徨仰觀牛女星掩涕
回蘭房

結束事戎裝獨向遼西路願得同心人作伴
前途去

自君之出矣

四首

自君之出矣衣帶緩莫收思君如春蠶纏綿
絲中休

自君之出矣獨宿寒閨月思君如子規啼盡
春風血

自君之出矣玉鏡多塵埋思君如鯉魚永夜
雙眼開

自君之出矣七換梧桐葉思君如琵琶懷抱
空悲切

相思詞

三首

領君相思意讀君相思詞舉頭看明月千里
暮雲馳

相思復相思相思萬里道兩夜頻夢君默默
令人老
相思復相思目極東海雲雲影有來去人心
無古今

竹枝辭 四首

少小嘗嫌出嫁遲嫁得爭如不嫁時不嫁在
家長自在嫁郎難得是郎知
妾住閨門樓上樓樓前江水日夜流晚倚闌
干數歸艘不知若箇是郎舟
去年郎去上襄陽今年書道往臨邛願郎莫
向巫山過巫山雲雨斷人腸
郎君遠去不在家妾在深閨自織麻織得衣
成郎正到焉郎起舞醉流霞

林榕江先生集卷第三

林榕江先生集卷第四

不肖男世璧編梓

五言古詩三十三首

感述

感興十首

團團天上月照我山間堂堂高月盡入坐久
微風涼仰觀歷歷星吐耀各成行雲馳月忽
閉列宿爭搖芒湏臾皓魄見玉繩沮且藏始
知衆星朗不及明月光

其二

伊余昔投簪掛席臨江瀨山色何青青蜿蜒
遙相待中流水不行濯足凌蒼靄四顧天茫
然猿響寒飈外感茲悽心神素志焉能改

其三

夕陽明遠山輕風振林樾四時相代謝峿度
無停轍鷓鴣失其侶豺虎夾路側涉江采芙蓉
洪波安可越仰視白雲飛俯惜瑤芳歆方
舟渺難極引領情內熱

其四

方舟去何所我友之武夷武夷足幽討境勝
名賢遺大道本玄默末路多相非外觀蘭苕
榮內省冰淵微坐挹丹霞秀日夕風滿衣時
因南鴈起慰此長渴飢

其五

渴飢有長懷長懷良不開憶昔與君遇乃在
黃金臺臺高耀朝日飛觀游浮埃上有梧桐
樹鳳鳥翩然來靈根不自固翠苞霜焉摧聚

散一覆手飄落炎海涯天命固如此人事非常乖秉德希宣浚鐘鼎同蒿萊

其六

涼飈散夕陰吹我池上樹雜花發餘馨零草被漫路策杖時一行逍遙日容與靈肩湛不塵萬象森如許樂哉難具陳浮雲自來去

其七

卓哉河汾子手錄復性書下學登修塗日暮猶驅車出處既不苟循循端所趨黃閣豈徒榮拂衣歸田廬諒彼君子節無愧聖人徒

其八

曰余秉柔翰遊戲叢墨林薄技媿雕蟲霜毛倏見侵仲尼三十立伊始躋高岑升巔奮闊步覆篋明素心聖塗矚如掌軼發方駸駸良友不我選比德來相隣終當要駐足慨嘆寔自今

其九

二十策名籍鳴珮丹門開春風忽十吹夢覺

迴浮埃富貴如蟬翼况乃寡所諧歸我河上
居聊與麋鹿偕屏營守古訓迷津始有涯

其十

我馬玄且黃乘之登西山曲嘯既局狃方椒
始盤桓青松夾道隅流水鳴濺濺仰視飛鳥
翔俯察原花繁叩石發浩歌清飈振巖巒歌
罷一迴首摧然傷肺肝

述興

三首

丁酉季秋迎二親江上作

鷄鳴出門去冷冷雨不休兒童牽我衣云胡
事遠遊荅言迓板輿已具沙棠舟倏忽時序
改木葉飄清秋蕭蕭鴻鴈征浩浩江水流行
役本倫紀此外將焉求

其二

夙志抱山水引痾卧丘園春至百草榮幽禽
相鳴喧柴荆久自閉圖史細討論茲晨理江
楫豈為世鞅煩北里吾親歸目極秋雲帆

其三

巨石江中央喧風復排浪我舟過其下愴愴

不敢上三老何安閒牽纜涉寒漲峽兀兩崖
高忽已越蒼莽櫓搖棹謳發鼓苔空林響默
坐寂無言淵然起遐想

題贈

聘鶴篇次大人韻

瓊園雙白鶴失一良可哀其雄日求侶悲鳴
遶苔階頂明赤砂艷羽卧白玉偕翳翳松竹
間孤影空徘徊嗟哉九臯侯誰同萬里心群
性貴得所况此胎仙禽聘雄續姻姬飛書雲
谷林高人閉草堂種菊南山陰發絨應大咲
籠贈來相因何以報明德媿乏瓊瑤陳

代鶴奮辭聘次東隅叔韻

孤鶴頗皎潔聞語來瓊田自云異凡禽乃是
浮丘仙與君敦意氣暫下蓬壺天高標託雲
隱雙羽來翩翩何期失吾偶大化返自然員
吭發長歎獨步層嶂巔吊影寒塘水藻質疇
能肩哀絃絕遺響不受他鳥憐堅抱貞素節
願息重結緣琴尊伴幽興導引聊延年

題集山書屋

峩峩大集嶺湛湛雲氣深龍窟竅竒脉危石
瞻遠岑三峯倚天出時寫滄浪吟諸山盡羅
拜冷泉響鳴琴桃洞久不放春至花如金問
桃胡乃然高士棲幽林咲傲烟霞杳豈為名
利侵雖被朱紫服猶緝芰荷襟鳥啼虛谷口
鶴卧層崖陰短歌寄明德愧乏瓊瑤音

來鶴軒贈豐五谿先生

白鶴高於人霜毛日皎潔炳然頂上丹奪彼
赤霞色飢餐玉禾羹渴飲醴泉冽似無烟火
形獨稟金精德局促耻鷄群九臯刷修翮高
吭排天風灑氣克素咽竭來滄海濱坐玩芳
華歆不受虞羅侵冥冥碧霄絕石壁削空青
流雲吐微月秋聲振林麓虫語何悲切悠悠
萬里心俯仰歲時越因之動孤桐湖光互明
滅

鳳梧亭贈五谿

翩翩孤鳳皇刷羽瑤池飛九苞縹文綵照日

光離離霜飈振遐舉暫下南海湄濠洲天萬
里棲息梧桐枝青柯歷年歲結實甘如飴長
鳴一啄食仰以忘朝饑炎方多瘴癘毒霧侵
膚肌雨晴蛇虺集日暮徃徃啼德輝不擇地
群彙當相歸睠茲千仞高豈謂一叢卑遙空
忽回首奮迅雲霞衣岐山在何許炳耀終來
儀

訓禽

禽泉守顧前山

客從南泉來贈我明月珠珠中有隱字一一
鳥跡書上言道心清下言元氣俱皎皎洞陽
子坐玩滄海隅手探金鷲蓋體被白鶴裾莫
聲振寥廓亮節凌寒梧末塗恒自保千里抱
區區置之懷袖間寸衷良不渝

和禽鄭東湖見贈鳴鳳篇

辭榮歸南海寄跡鷓鴣枝素志澹無營俯心
卑群飛蘭膏夜不滅蠹簡時自披總看春槿
發又見秋蟾輝種松滿道隅引水分陂池坐

觀萬物窳蕪養忘朝飢落落寡交與千載誰
鍾期晚遇東湖仙騎鶴何所之贈我青琅玕
勗我明德時感君意良厚咲語春風熙嗟予
甘木石終老丘巖依拆梅倘相憶剖鯉應來
詩

沈平墅贈二白鷗用李白韻以謝

墅翁天下士介性好素鷗偶得霞洲上咲對
霜栢顏呼童飼瑤花置我水雲間紫霄邈難
舉綠野聊自閒清風生邃谷明月滿空山希
蹤大鷗鳥九萬扶搖還

其二

烏臺千尺栢上有雙白鷗明珠耀素羽瓊玉
成朱顏暫辭員嶠內宜棲太液間朝行碧草
靜夜宿春月閒我友鸞鳳人籠贈九曲山拙
吟聊紀德風送高雲還

平洲篇畬方子

仙人住平洲結屋丹崖傍前有鍊雲室文杏
為之梁頗年服沆瀣抗志凌八荒夙愆抱金

石吐詞諧官商遊嶽希向生執戟嘒揚郎賢
豪世匪欽躑躅心煩傷忽過白鹿子申贈玄
鶴章誰知伯牙絃重接芝蘭芳仰視日月馳
修塗萬里長願言崇令德肅肅鴻鸞翔

畝汪周守見贈

生平志幽尚蓬蔚南山藏默坐聆松風流音
激羽商希名彭澤里聊比鹿門鄉大夫建邦
來與馬何輝光別乘本高崇况彼霞霓裳入
門語未畢呼童解行裝贈我雙明珠得自赤
水良瓊瑤奚足貴度寸照月長再拜受懷袖
結好蘭蕙芳鍾期久絕響感歎迴中腸眷言
勗令德練藥五芝房

畝建安程栗之

明詔下蓬華微躬敢自棄杜陵昔北征稷契
云竊比余本駘蕩人耕漁海濱地蠹簡委高
閎蚓鳴乏清思何期麋鹿姿被蒙大夫位忽
逢西橋子遠致殷勤意築室建水傍松筠手
自植誦我鶴圃音擁衾夜忘寐十年欲見心

扁舟駛而至長篇既豪雄短句亦精緻開尊
琥珀香擊石珊瑚脆瀛壺奮欲登武夷跡如
寄問道哂吾嗜探竒識君志南徙垂天鵬北
展千里驥莫逆金玉衷一寫芝蘭誼霖雨啓
佳圖蕭艾愧非類情怡鳧鷖群性引烟霞制
放踵矢靡惜拔茹奚由濟五嶽誰能遊三山
行或遂歸來叩仙居千首詩為贄

懷思

夏夜懷平嵩年兄

蟾光出東樓照我庭前樹稀星乍有無微螢
自來去緬懷同心人嵩高卧真素塵抱何時
平空林一延佇

懷佩蘭年兄

白日事擾擾入夜稍稍息池開微荷香露重
踈星濕褰帷坐虛亭燃燈讀周易緬懷九畹
人搔首空長夕

行役

北征和杜

皇帝二十載初春正月吉林子時北征舟航
共家室憶自客歲秋文場揭榜日於赫王
命宣詔臣起蓬華棄材荷甄收感激誓一出
惶恐製冠紱諏辰慮有失吾君堯舜資顯
良賚密勿犬馬敢惜軀涓埃抱真切奉檄離
郭門去住猶恍惚忠世臣義移孝肝腸畢
欲上賈生書尤哂齊人瑟天闔崇九重叩
首願流血主聖亮臣直前修跡未滅感奮
東青簡勇往辭窠窟灘瀨幾撒旋風烟經蕩

滴急濤走雷鳴巨石劃斧裂窓窺武夷峰車
亂鉛山轍驚湖思朱陸妙契心獨悅武林集
市珍海錯兼梨栗繡縠雜珠貝兔穎並丹漆
貧者立無錐富者過其實嗟哉西湖上誰似
逋翁拙姑蘇臺舊遊峰巒雲出沒携觴登虎
丘層空睇毫末劍池水半枯得覩闔廬穴金
精豈復存但覺清毛骨陸泉仰蘇樓遍覽恨
倉卒壁兒隨我後俚吟聊詠物吾亦成口號
母勞增白髮錫山訪年朋細話舒襟結百篇

洞陽詩甘露入喉咽朱花冒秋塘白鷺立松
雪蹇予擬卜鄰泥滓辦鞋襪洪匡笑拍肩雄
談庶促膝道謁司空莊諸丘迷曲折先憂承
緒言四海念無褐竹梧秀野堂欸留辱竟日
被蒙國士遇汲引慙且慄球玉東榮陳鐘鏞
西序列頓令鄙吝消如髮獲屢櫛寒颼梅下
吹濃霞嶺畔抹毘陵張太守欣晤鄉情濶挹
取清冷淵沃我塵土渴椒醴忽開筵博采臬
廬唱雅歌有餘音翻厭笙竽聒昨來田野闕
親見農樵說太守近行兵餼糧給萬卒征科
恤貧民幽隱悉章豁更聞固原壘一鼓戰回
訖擒王復斬將鐵騎恣蹂突逐北京觀高奪
馬數千匹快拔劉司徒功謨奇且決折衝尊
俎間破陣雷霆疾奔胡竄沙漠殘魄已褫奪
氣振玉門關哈密懼先拔 皇衷忤爾嘉恩
錫綸綉發黃樞晉隆階燕然樹宏碣便欲回
六軍交南同汛殺大伐巾群黎重明華日月
匪徒闢舊疆仁在繼漚絕贖武古所戒此事

體文別去穆拱垂衣經史躬剖拆講案通儒
紳宮闈屏姬媼商宗及周宣中興誠濬哲臣
炫無寸能慷慨師徃烈志希安烝庶疲瘡盡
蘇活幽風無逸亭敬一九五闢慶雲滿彤樓
瑞鳳鳴紫闕雖有仲山甫袞裳奚補闕明明
八表光 聖道萬年達

閒適

雜詩二首

夏日不可暮既暮微風和強餐脫粟飯起步
庭中阿庭中無別物松枝帶女蘿松枝一何
勁女蘿一何芳雲破明月來皎皎生輝光流
螢時自至微燄胡能長

其二

崇岡天宇清逍遙覽芳甸長林古木佳細石
流泉澌蕪葭何蒼蒼浮雲倏而變老翁荷鋤
歸咲語日已晏但道桑麻長力田不知倦

秋懷和謙齋

曉日出東嶺照我壁上琴微霜散平麓繁吹

生遙林炎熇忽已變新寒薄中衿歲華速如
電濁酒聊孤斟

次張湖西瓊河紀興

瓊河抱曲流素月凝清光炎熱不可揮谷風
進微涼偶來二三子伐竹開茅堂舞鶴下高
樹宿鷺起方塘牀頭酒初熟一舉飛汗觴湖
西發豪唱誰謂李白狂盤壁走大書蛟龍勢
騰揚太史本天人文思碧海長亦仙躡綵虹
寫我輞川莊余也避世客閉戶鈔古方惠連
出秀句池草搖春芒賦罷一再誦金石相鏗
鏘寄語梅花洞今為君子鄉

舟中讀真誥

舟居日無事閒誦真誥篇紫微泮二象南岳
明九玄清虛隱黃書桐栢吐竒言面童白可
返精益明能延靈簫餐霞寶玉光映瓊淵交
梨與火棗母為荆棘煎控魘扇太虛冥心空
洞間遐遊期振羽委順齊鳴絃寂靜掇丹草
幽栖漱華泉琳腴醑貝闕員曜存泥丸形神

匪常宅來去如岸船無涯守真性大道希自然

林榕江先生集卷第四

林榕江先生集卷第五

不肖男世璧編梓

七言古詩二十六首

送別

短歌行送別

石頭城外秋風起有客揚帆指江水江邊正
開芙蓉花千朵萬朵如紅霞攀花送客何歎
息古來賢聖皆龍蛇蹈海曾聞仲連節書空
又見深淵嗟先生今日掛冠去釣竿斜倚黃

河樹落葉蕭蕭鴻鴈悲飛塵滾滾關山暮
殷勤莫遣時人知住向白雲最深處

涼風篇送亭溪張翰林先生

涼風八月吹庭樹槐葉蒼蒼鳴細雨街頭
翻作十日霖短草泥沙愁欲暮星軺衝雨出

帝京玉節胡為千里行春使暫向中州去寧
親遠慰北堂情北堂倚門白髮心天涯遊子
青山吟棧閣烟雲遲馬足蜀江鴻鴈生秋聲
先生本是仙人孤騫玉署蓬萊清九苞瑞

鳳下丹嶠一片寒月涵壺冰綵衣恰稱宮錦
光紫書燦落雙鸞翔拜舞華筵春晝永回看
花柳皆芬芳天子中興講殿開百年政治
羅賢才願言家慶從容畢殷勤早上黃金臺
送百石山人歸長樂兼呈雙湖竹泉

先生

百石山人好懷抱訪余特向金陵道謝傳墩
前看白雲子陵臺下眠芳草林泉高卧夢不
驚城市無心跡如掃歸來若遇採芝翁為余

河樹落葉蕭蕭鴻鴈悲飛塵滾滾關山暮
勤莫遣時人知住向白雲最深處

涼風篇送亭溪張翰林先生

涼風八月吹庭樹槐葉蒼蒼鳴細雨街頭
翻作十日霖短草泥沙愁欲暮星轡衝雨出

帝京玉節胡為千里行春使暫向中州去寧
親遠慰北堂情北堂倚門白髮心天涯遊子
青山吟棧閣烟雲遲馬足蜀江鴻鴈生秋聲
先生本是神仙入孤鸞玉署蓬萊清九苞瑞

鳳下丹嶠一片寒月涵壺冰綵衣恰稱宮錦
光紫書燦落雙鸞翔舞華筵春晝永回看
花柳皆芬芳天子中興講殿開百年政治
羅賢才願言家慶從容畢啟勤早上黃金臺
送百石山人歸長樂兼呈雙湖竹泉

先生

百石山人好懷抱訪余特向金陵道謝傳墩
前看白雲子陵臺下眠芳草林泉高卧夢不
驚城市無心跡如掃歸來若遇採芝翁為余

問訊湖泉老

送棠陵方憲副之京

相違已九年相逢纔兩月龍劍合復離鷺車
來又別閩山青青花雨香酒酣日落松雲蒼
琅函直上金鑾殿繡斧重過畫錦鄉夫君本
是鸞鳳姿翩翩文采輝天池海域難留希世
瑞彤樓照耀梧桐枝瓊河渺渺波紋綠旌旄
枉辱烟霞曲贈我仙人玉印方古潤清稜光
奪目洞草經春紫翠芬采采盈襜把似君九

重一聽星辰履好補 堯裳五色雲

送程栢亭克輝

帝京日耀黃金臺獻績天門千里來枳棘何
因老鳳宿瑤璋本是明時材九龍之峯森似
玉劍津之水映毛骨南平少尹青溪豪坐使
芳聲遍林谷拉君重登靜樂樓梅花洞口芙
蓉洲咲指赤虹沙馮起更調綠綺巖泉流嗟
余鳴珮南宮客一卧烟霞忽幾秋昔別長安
拆燕柳今從閩越解吳鈞看君今日雲霄去

卷五
七言古詩
三
刷影梧桐天上遊

今昔行送湖西張子還閩

昔年送子來燕山張燈剝蠟梅花間今年送
子歸閩海青青宮柳春雲靄白日紅顏速飛
電誦子新詩驚十卷篇篇珠貝泣鮫人字字
蚪龍纏寶劔長安風埃高蔽天相逢忽漫是
離筵君去堪尋武夷石我留空望香鑪烟鶴
裘脫換東陽酒我歌吳歌君拍手忘形自古
結交難爛醉何辭更一斗黃金臺上月如盤

玉河橋下水拖藍蒙茸草長錦亭滿寥落鸞
啼紫陌闌都門曉發車聲起美人胡為數千
里鷓鴣暫棲珊瑚枝魂夢隨君渡江水

題贈

孔子問禮老氏圖敬題下方

五老騎麟降下土萬載元精洩東魯夫子本
是生知資何乃遑遑與聃語聃也能守一字
關慈儉不為天下先問禮正如入周廟猶龍
卻恐非真言吾道中庸知者少捷徑徃徃窺

玄妙魯齋竊用豈不可靜修記語含譏諷春
風習習江花香生綃古墨開茅堂題詩再拜
意何極白日照地山蒼蒼

杏林春曉圖為鄭三峯題

我昔曾遊上苑春杏花千樹飛香塵九天日
月開黃道萬里風雲接紫宸群仙楚楚蓬萊
宮車書四海欣會同我時年少坐其下霏譚
玄論何英雄翩翩丹鳳鳴梧桐一洗萬古凡
鳥空竭來靜卧烟霞峯青燈夢落寒江楓夜

雨猶聞玉陛鐘此圖云是杏林曉頓見渾疑
舊遊好中有孔雀為之魁上下飛鳴環百鳥
吁嗟孔雀亦可愛翠尾金花性耿介曲江刷
羽錦衣鮮天機潑潑聲噦噦三峯主人逸氣
凌對爾更覺襟懷大明年趁取上林春鳳皇
城上花堪採

小山歌為一叔題

甘泉山兮拔天起翠嶂丹崖蜿蜒而來數千
里大江滾滾走其下石鼓對面烟光紫山中

大老乘赤鯉蓬萊玄圃不可見音容渺渺羹
牆通山下群峰羅立皆孫子吾翁繼述號小
泉清白承傳一泓水嗚呼泉山分龍九派長
中有一峯特出觔骨蒼少年鼓篋遊泮庠春
風吹浪芹花香只今逸氣凌八荒雲霞滿樹
生文章山前高起讀書堂中懸家訓不敢忘
芝衡大書小山字宛如几杖侍立翁之旁我
亦泉山山下山箕裘世業多厚顏作歌未竟
鶴飛去閣筆金陵暮雨天

石壁山臞為陳中丞虛窓先生題

海上群峯石壁青峰前新搆高人亭碧草開
窓春欲滿瑤花生室夜不扃台相原非楚澤
臞憂時獨誦離騷經手種湘筠甘晚節坐調
野鶴梳修翎門外負薪者誰子強將姓字叩
山靈主人不畚指石壁赤霞飛墮雲母屏千
岩對面口呆呆萬松落耳風泠泠浴鳧飛鷺
本自潔溪毛澗藪皆羞珍只今 廊廟徵賢
俊如公正合歸疑丞願得身臞天下肥千秋

萬古貽令名

石峯書院歌為陳少司馬題

烏石之峯渺何許八壺拱揖猶賓主海上波
濤白日高空中樓閣青霞舉先生結屋峯南
隅手探元化窺群書待賈深藏卞和璧許身
自比隋侯珠石山磊磊幾片石琢磨淬礪皆
朋徒黛色霜崖千尺起稜稜氣節猶真吾文
章一日遍天下嶙峋聲望秋雲孤晚成砥柱
壯巖廊兵戎重寄卿留都留都山水信佳麗
曾是先生舊遊地春風披拂桃徑香夜雨沾
濡芹泮翠朝廷鈞軸湏老成四海傾心望
康濟願言早晚起東山遍施霖雨蒼生慰

冰溪道人卷為賀廷用題

我在瓦屋山人處皎然得遇冰溪子冰溪梅
花千樹開主人意氣宛相似少年曾讀儒家
書逃名岩洞歸清虛羽裳蕙帶下仙嶠鷺蓋
龍車來帝都手持一卷長生訣玄牝中間
藏日月藥物只許自家知乾坤肯向時人說

見余大咲千載情遙指東海雲霞生丹成騎
鶴冲霄去共爾蓬萊頂上行

旗峯歌贈林年兄

我聞旗峯翠嶺閩城西碧崖翠巘如展旗鼓
山在其東虎山在其南古稱形勝三山齊旗
峰山人結屋于其下誅茆倒景凌丹梯少日
文名絕烟島坐拾琪花顏色好神龍豈居百
尺潭騏驥長思千里道長安萬戶吹春風挾
書射策 天子庭宮闕浮雲緱緱轉御溝流

水涓涓鳴伐時淺薄幸隨君同年義氣何殷
勤結交海內盡豪傑李邕識面王翰隣十年
之間猶振羽瓊瑣離合不足數邇來 新聖

明堂開中興盛治羅賢才偃蹇予乞金陵去
憂悽子亦閩中回買舟同下灣河曲聯翩一
路帆相逐客到頻嗟驛傳煩夜深指點人家
宿塵沙蔽岸飛黃霾波浪噴天駭銀屋對局
潛消白晝香憂時每剪清譚燭聞河留滯清
心魂步入松陰送遐目弔古還登太白樓尋

幽不上桓黉墓君因借我古錦囊細吟把玩
皆文章短句信能窺李杜長篇豈但過蘇黃
皎皎玉壺照冰月冷冷金鏞垂琳琅又如僊
姝霞袂出巖洞意態遠與雲飄揚又如百草
嚴冬盡枯死貞松勁栢凌孤芳吁嗟稻梁鷗
鳶穴男兒激烈空中腸吾聞詩派亦多壘近
者惟稱少谷氏予亦學詩苦未能百年同調
欣得子子去山中少谷逢道予問諫今何以
青野草堂採芳芷天下蒼生何日起

白泉行贈汪太守北觀

白泉之水白如雪霜崖倒瀉二千尺細流曲
澗空谷音遠入寒湖洗天色蛟龍驚起馮夷
宮夜夜波心抱明月浴鳧舞鷺何悠悠琪草
瑤花秋瑟瑟主人卜築居泉傍素絲紈質同
孤潔乘時起作干城侯雙旌五馬閩中遊春
吹替生陰壑滿晴雲高照滄溟流三年述職
朝形樓江邊早具沙棠舟舟行倏忽不知處
日出烟開山下路梳柳葉暗罷啼猿兩兩幽

禽自相語安得留公一掬泉化作閩南萬家

雨

夏山八景歌贈同年張憲副

夏山高高萬丈蓬宮玄圃遙相望勢敵金華
白石群名齊天姥青霞上游龍奔馬何處來
異蕊竒花紛莫狀我聞昔日大禹聖玉輅時
巡江南境茲山形勝乃久登遂留國姓為山
姓圖經之言信不虛流傳指點于今定吁嗟
精英豈閔藏乾坤萬古開文章何人結屋蒼

崖裏丹梯倒影凌空茫君不見上湖洧洧利
澤遠暑涼冬暖成稱便綠野催耕灌溉深赤
霄禱雨雲雷變又不見流泉分入社陂中活
水靜涵天地鑑清光堪洗壯士纓餘波每瀉
詩人硯麗市朝巒海色遙片月欲墜鷄聲號
徑斜松翁簾櫳爽日照金銀臺榭高西山忽
復成晚霽拄笏移牀看紫翠別院歌鐘淡靄
浮滿天鴻鴈孤雲細前溪迢迢春水生漁舟
半在花底行蕩槳未應鷗鷺見鳴榔却遣魚

龍鷲由來真具四時寫杖藜徐步桑陰下鄉
音忽起後畝間農歌互奮皆風雅屏岩千疊
堆如錦列嶂縱橫堪獨枕地靈人傑非偶然
大夫特達簪纓盛鶴渚迴瀾更可誇清幽正
對大夫家年少讀書不出戶九臯一嘆聊烟
霞大夫本是夏山主生平酷愛山中佳男兒
蓬矢海內遊夢魂時到誅茅處翠梧池上自
千尋碧草牕前應滿路大夫射策玉殿傍青
山白面尚書郎秋臺執法心炯炯專城出守

山水邦鷲車俄攬閩中縵豸冠繡斧威如霜
卿相崇階必俯拾功名壯歲何軒昂我本九
曲漁樵客往歲登科忝同列陳蕃下榻雖殷
勤禰衡漫刺多磨滅旌旄忽扣柴荆門割鷄
沽酒為君設三千里外會賢豪十八年來見
顏色袖出夏山八幅圖筆精墨妙來吳國瓦
缶何堪混清廟知君念舊肝脾熱感慨新詩
附驥吟迴首長空江月白

鶴泉歌贈沈太守

一鶴飛凌碧海烟蒼崖迸落真珠泉泉鳴鶴
立白日靜九臯聲徹波搖天羽衣三尺明且
潔獨步松陰啄殘雪瑶草閑棲玄圃雲金沙
夜卧丹丘月石澗寒垂瀑布長風雷洞黑蛟
龍藏達人舊隱崑峯下清飈濃葉雙槐堂調
琴每對仙禽舞淺水老梅花滿樹赤壁悠悠
素舸迴翠濤瑟瑟空山暮騷鸞謁帝十幾
秋五馬俄向閩中遊員吭角徵千岩應潤澤
桑麻萬野流君看警露毛翮異直上蓬萊排

紫氣文鵷彩鳳接翅高五湖七澤非爾地

海嶽道人歌贈佩蘭子

崑崙樊桐五萬里蒲昌潛入積石底軫橋絕
澗蒼鹿津砥柱懸厓白馬水九派齊州何處
飛奔流到海不知歸閩峯却立東南嶂建木
青丘大百圍中有高人佩蘭子著書年少聲
名起誅茅伐竹開小堂弄月凌烟采芳芷逸
氣虹霓北斗迴豪曹寶劍西山倚洛下風流
未可誇鄴中文學馬足齒扁舟坐挹章江秋

滕王閣外兩波愁，騎鯨直過洞庭去。揮手捷
碎黃鶴樓，題詩芳草吊鸚鵡。垂釣洪濤驚龍
虬，長安煌煌白玉京。五侯七貴爭相迎，金丹
二藥開仙室。簡牘三車奏，帝廷玄牝遠尋
赤肚子刀圭。俄遇青牛精，訪予來叩瓊河館。
笑指鉛華永葉生，瓊河野夫紫霞客。石几芝
盤為君設，憶昔廣寒宮。宴時紅顏綠鬢桃花
色，轉轂風塵三十年。老態顛毛半披雪，海嶽
道人爾休歎。人間萬事誰能算，麟閣傾摧委

劫灰桑田沮洳成，霜管惟有文詞等。圭璧千
古常存光，燦爛君不見東坡賦。兩篇曾敵水
軍數十萬，遺響悲歌滿天地。羞殺曹瞞赤壁
岸，又不見淵明幾首詩。清願玄音太冲淡，柴
門五柳至今香。富貴蚊虻盡消散，佩蘭掉頭
不肯休。騷鸞又向五湖遊，男兒馳騁志四海
胡為齷齪守一丘。始青凌虛超北極，醴泉醉
飲蓬瀛洲。武夷瑤草冬不枯，千岩霏翠落衣
裾。浮楂早晚歸來速，共讀羲皇科斗書。

謝會

丹峯歌謝湖西過水雲

晴雲窈窕丹峯下我時正卧清風榻夢中剝
啄聞打門呼童應客欣還訝入門豪氣揮虹
霓乃是我友張湖西思君幾度蕙草晚解衣
共坐岩花迷白鶴一雙下蓬嶠芙蓉萬片開
秋池水亭八面不知熱鮮鱸銀盤為君設松
聲滿耳正披襟竹影當階初岸幘酣餘共發
鳴臯歌歌長激雲山石裂烟霞忽繞綵毫飛

寫出新詩堪擊節鼓響空江月上時潮生斷

岸是君詩請看白帝黃河水西指蟠桃瓊樹

枝世事紛紛那可說古往今來幾豪傑昌黎

李杜難並肩

湖西言昌黎之詩與李杜當鼎足而立

東海黃山亦殊絕

湖西言東海草書不及黃山子言東海黃山並

立君聞我言未首肯欲與平嵩細叅決幽情

盡日傾倒歡跨馬歸城六六灣抱琴他日江

沙淨莫學山陰半夜還

丹桂歌畲湖西

揩眼蒼茫詠丹桂烟霜鴻鴈動經時離離金粟初盈斗采采香風正滿枝鳴瑤仙人文章伯偃蹇湖西出肝膈我在瓊河養素鸞君亦松廬藏白壁摘花浸酒共登臺舉世誰憐北海才蟾宮直上天門近回首扶霜日色開

懷思

六思歌有叙

炫嘗誦張平子四愁詩愛其音調古雅惜發思絲邈而不倫切炫去故里

迎二親江上緬懷良友菊讌方濃遽爾睽別覩江流之浩浩覽雲烟之霏霏感而成篇名曰六思歌

我所思兮在中谿手持玉節天南陲鳳鳴海上梧桐枝文采照耀今古竒別君忽已三秋期思而不見心煩紆美人贈我錦珊瑚何以報之明月珠秋江江上雙鯉魚揮毫一寫懷君詩李侍御元陽

其二

我所思兮在少泉獻納重華青瑣賢神遊汗
漫揮雲烟短句時吟白雪篇別君忽已三秋
延思而不見心連卷美人贈我朱絲絃何以
報之青琅玕秋江江上鯉魚傳安得從君尺
五天

沈拾遺伯咸

其三

我所思兮在半洲中丞開府南海取竒勳逸
氣隘九州顧我疑是神仙流別君忽漫如三
秋思而不見心煩憂美人贈我紫綺裘何以

報之雙吳鉤秋江江上鯉魚遊短章送子梅
花愁

蔡中丞經

其四

我所思兮在方山玉堂清切瀛洲仙閩海吹
笙拾瑤草蜀雲搖筆騎青鸞別君忽已三秋
寒思而不見心長歎美人贈我彤管斑何以
報之白玉盤秋江江上鯉魚還題詩一寫平
生歡

陳太史節之

其五

我所思兮在文谿結交四海肝膽知騰達雲
衢何壯烈沉淪湖海同卑棲別君忽已三秋
時思而不見心煩咨美人贈我瓊樹枝何以
報之青霞芝秋江江上鯉魚歸短章聊付同
心辭高侍御世魁

其六

我所思兮在九山霜威戲假習池邊青驄蹀
躑千山動白鳳聯翩萬里騫別君忽已三秋
漫思而不見心煩難美人贈我紫瓊丹何以

報之碧玉環秋江江上鯉魚閒短章吟罷波
生瀾陳侍御大用

閒適

橋西雨坐和平嵩

萬川之水東流去白日西飛亦不住天清細
路開小堂雨坐踈簾引新句我在江亭雲霧
深美人千里青燈暮幽草題詩一似君黃鸝
幾箇橋邊樹

林榕江先生集卷第五

